

永樂北藏

永樂北藏



永

樂

北

藏

趙樸初題



永樂北藏第四七冊目錄

○十住斷結經	十四卷	姚秦竺佛念譯	(談一—彼二)		一
○菩薩道樹經	一卷	吳支謙譯	(彼三)		三六三
○菩薩生地經	一卷	吳支謙譯	(彼三)		三八一
○佛說孛經	一卷	吳支謙譯	(彼四)		三八五
○無垢淨光大陀羅尼經	一卷	唐彌陀山等譯	(彼五)		四一一
○成具光明定意經	一卷	後漢支曜譯	(彼六)		四二九
○摩訶摩耶經	二卷	蕭齊曇景譯	(彼七—八)		四六一
○諸德福田經	一卷	西晉法立共法炬譯	(彼九)		五〇一
○大方等如來藏經	一卷	東晉佛陀跋陀羅譯	(彼九)		五〇八
○佛說寶網經	一卷	西晉竺法護譯	(彼十)		五二三
○佛說內藏百寶經	一卷	後漢支婁迦識譯	(短一)		五五九
○佛說溫室洗浴衆僧經	一卷	後漢安世高譯	(短一)		五六八
○佛說菩薩行五十緣身經	一卷	西晉竺法護譯	(短一)		五七二
○佛說菩薩修行經	一卷	西晉白法祖譯	(短一)		五七九

○佛說金色王經	一卷	元魏般若流支譯	(短二)	五九一
○佛語法門經	一卷	元魏菩提留支譯	(短二)	六〇二
○佛說四不可得經	一卷	西晉竺法護譯	(短二)	六〇六
○須真天子經	二卷	西晉竺法護譯	(短三—四)	六一三
○佛說觀普賢菩薩行法經	一卷	劉宋曇摩蜜多譯	(短五)	六七九
○觀世音菩薩得大勢菩薩受記經	一卷	劉宋曇無竭譯	(短六)	七〇一
○不思議光菩薩所說經	一卷	姚秦鳩摩羅什譯	(短七)	七二一
○超日明三昧經	二卷	西晉聶承遠譯	(短八—九)	七四一
○除恐灾患經	一卷	乞伏秦聖堅譯	(短十)	八一六
○佛說首楞嚴三昧經	三卷	姚秦鳩摩羅什譯	(摩一—三)	八三五
○未曾有因緣經	二卷	蕭齊曇景譯	(摩四—五)	九〇七

○菩薩藏經	一卷	吳支謙譯	(短三)	三八一
○十住論	十四卷	姚秦竺佛念譯	(卷一—卷二)	三六三

十住斷結經卷第一

談一

姚秦沙門竺佛念譯

導引品第一

聞如是一時佛在毗舍離城柵氏樹園與大比丘衆八萬四千菩薩十萬四千人俱普皆大聖玄鑑通達獲致揔持辯無滯礙三昧常定慧無畏難解了纏縛十二行本以逮深要不起法忍周流五趣觀察訓導以佛弘智覆蓋衆生隨其根源而救濟之執持威儀不失禮節其名曰常淨菩薩寶積菩薩寶士菩薩

永樂北藏

十住斷結經

寶印首菩薩寶藏菩薩趣意菩薩轉法輪菩薩除陰蓋菩薩施蓮華行菩薩師子菩薩日光菩薩見正反邪菩薩不置遠菩薩無損志菩薩持地菩薩持魔菩薩造化菩薩水光菩薩施相菩薩應聲菩薩金纓菩薩慈氏菩薩法一濡首等十萬四千人俱爾時地主四大天王釋提桓因將諸忉利天焰天兜術天化自在天他化自在天第一梵天王將諸梵衆來詣佛所及諸天龍鬼神捷沓耆阿須倫迦留羅眞陀羅摩休勒人與非人悉來集會爾時如

第四七冊

來與無央數億千之衆眷屬圍遶而爲說法
弊魔波旬不安本位復將官屬前後圍遶來
至佛所頭面稽首在一面立此賢劫中一切
大聖諸正士等皆悉雲集是時如來復以舌
相光明普照三千大千刹土見光明者各相
謂言今日忍土釋迦文佛放大光明引致十
方高行菩薩於光明中演出此音能仁如來
至真等正覺在娑訶國土放微妙光與諸大
人演說十千三昧正定非是緣覺聲聞所行
我等各各齋供養具詣彼忍土興致禮敬承

受奉觀於時東方去此九萬二千諸佛世界
國名盛妙佛號殊勝如來其佛左右有菩薩
名曰執志通慧大士住不退轉光明遍彼勸
進菩薩尋自往詣盛妙如來至真等正覺所
稽首長跪而白佛言唯然大聖欲至忍土奉
觀釋迦文佛至真等正覺稽首問訊諮受未
聞其佛告曰宜知是時便往勿疑又謂執志
雖至忍界即當奉行五十五事戢在心懷無
令漏失何謂五十五事施與不施等於戒犯
戒等忍對不起等進退彊意等亂心禪定等

深智淺愚等怨讎二親等見罵若空等三乘
無高下亦無若干想亦不見善亦不見不善
亦不見佛土淨亦不見佛土不淨若見衆生
生惡趣者不懷恐懼見諸上士觀如衆祐亦
不有二常若一心若見有殺盜婬泆妄言綺
語嗜酒愚亂嫉妬恚癡闢言彼此心執邪見
非常言常悉當平等無增減心莫見戒具受
上福報施受大福亦復莫云我今護殺延壽
無量亦莫相輕我相好勝教戒殊特彼人卑
穢凡夫朋黨除去七慢十二無記是爲五十

五事當念修行佛言執志若有族姓子族姓
女心志質直等住定意可遊彼土設百千劫
於吾之土建立梵行不如忍界彈指之間無
高下意是爲殊勝億千萬倍於時彼土五萬
菩薩各誓願言我當具足心意清淨侍衛執
志菩薩得詣奉觀能仁如來至真等正覺執
志菩薩即與五萬菩薩譬如力士屈伸臂頃
斯須之間於其佛土忽然不現尋在忍界奉
觀能仁稽首禮拜退住一面爾時世尊觀衆
來會集坐已定告四部衆汝等見此執志菩

薩乎對曰已見佛言諸族姓子斯大士者超越三有分別深奧辯才通達慈哀感動神足變化導引勸進所遊居處多所饒益是時座上有菩薩名曰最勝承佛威神即從座起頭面禮足白世尊曰唯然無著志性愚癡願欲所問若見聽許乃敢陳啓佛告最勝恣汝所問如來當爲解說爾時最勝菩薩以聽所啓即白佛言唯然世尊如來至真入何三昧放大光明踰於日月若有衆生觀如來光必至所願不失人根此何變化神妙乃爾佛告最

勝快哉問矣誠如來言光明威力接度衆生多所開化如來隨宜入億百千諸三昧定遊於恒沙無量佛土塵數姦兆性行所趣有姪怒癡強梁自用貢高放佚者如來觀察具分別之爾時最勝復白佛言何謂菩薩從初發迹至成作佛一地二地至乎十地爲斷幾結消除幾垢何謂菩薩解了己身內外無生何謂菩薩自稱廣施不除斷滅何謂菩薩行戒具足終而不犯亦不毀戒墜墮本位何謂菩薩忍而不起於忍退還爲凡夫行何謂菩薩

精勤不懈復有慢怠從始積業何謂菩薩入
定意法天雷震動心不錯亂云何菩薩初發
心行無能斷者云何菩薩意識安隱不可捨
離何謂菩薩其心獨尊與衆超異云何菩薩
心之所趣無能如意爾時世尊告最勝曰善
哉善哉乃問斯義多所饒益多所成辦今當
爲汝敷演其義菩薩所行不可思議智無邊
崖亦無等侶乃能興心於如來前而師子吼
諦聽諦聽善思念之最勝對曰受教而聽佛
言菩薩發心求無上道先斷妄見身邪戒盜

分別苦智建立志願具足禁戒每自思惟我
之所行願樂遠離凡俗之法以五陰性不可
得故道亦不可得況於在道外者倚色痛想
行識求度衆生佛復告最勝五陰亦無觀行
衆生亦無觀行亦復不見所可度者無言教
法非羅漢辟支佛所能及也爾時最勝菩薩
白佛言世尊不從五陰無觀行得道不從衆
生無觀行得道寧可從四禁法得乎佛言非
也最勝復白佛言設不從四事得者復可從
空得耶佛言非也爾時最勝菩薩復白佛言

不從空得不從四事得者今日如來及衆會者不成無上道亦不得果報乎佛言成無上道耳但不住有性亦不住無性而成等正覺最勝白佛言云何色痛想行識及內外法善惡法有漏無漏法有爲無爲法如來所說名號之法云何以名想按一字體教授一切乎佛言行亦無名復無想念不見入出之二來徃周旋故號一切智菩薩常當以十法了十地事云何十法了十地事以苦集義盡道之義滅盡無生一切遍義自識己身及他人義於六

邪本及六十二見皆知空無義菩薩行是時當除有跡無跡云何除有跡無跡道是迹非道無迹來徃是迹無來徃者便無有迹菩薩當念修諸住地當行苦義斷婬欲之火瞋恚之毒愚癡之刺悲慈之心遍滿四方雖有慳哀意亦不有想己所惠施終不爲己普及衆生亦無所悋施不見施不有受者及與財物念與善者周接常當下意無生貢高說法之時不見有法出生巢窟無法之想出家之日與愛欲別以空無法斷除顧戀求佛成道莫

著相好亦復莫念吾先成道某在吾後設欲
分流法教終不敗法毀法進趣果證不爲塵
欲所牽心常懷念滅於貢高自用不求法報
及財寶物所授諦說無言教想持身如空空
無想念是爲菩薩以苦智誠辦淨一地迹復
次菩薩復以苦義集義行百千定若欲得佛
心定意三昧者不以色想亦不以種好亦復
不以本宿行故而致一住亦不希望作是致
是不作是亦不獲是常建是志不念過去當
來之著亦復不念今現在世生死所趣不從

五陰六衰而剋此法亦不離五陰六衰復當
思惟六無根本六無根本者眼耳鼻口身意
從所起生從所起滅復當分別六衰所興了
知尋察色聲香味細滑之法亦復不用見聞
念知心意識法得淨一住不以巧僞生滅之
法有常之想淨於一地成二無正無邪六不造等意
無所希望亦不是是亦不非非而淨住地亦
不從一二三四至百千定亦復不離百千定
意而淨住地不因心意而曉內外衆念望想
是非之事亦不色痛想行識而淨其地亦不

用戒聞定慧解度知見十力無所護四無
所畏諸佛所寶十八法本不可以意想知見
我想無我想不以五陰六衆生滅之處亦無
所住亦無不住是謂菩薩淨一住地亦無色
痛想行識之屋室亦不眼色耳聲鼻香舌味
身細滑之處所何以故不可目視而見衆相
解不起不滅之法無終無始是謂菩薩於初
地中而淨其跡悉具足成道慧備滿如來所
宣無有差別若干之念便能解暢亦能爲人
啓受諷誦普能周悉諸佛深藏佛復告最勝

菩薩復當具足六度無極念捨形色無所希
望不生三念染著之法是則名曰施度無極
欲知根原不念佛身達了本無當知以佛戒
度無極不自想念我得成就三十二相計校
諸法假號名句相貌無盡住不起法是故名
之忍度無極一切諸法普無觀行亦無聞見
行道士法見善不悅逢惡不感意無適莫是
故名曰進度無極心不興念起於亂想寂怕
自守意識永定是故名曰禪度無極解色相
空敗毀色空亦不自高不懷自大諸法之相

達知爲一亦非有一是故名曰智度無極復以權道應適衆生隨緣拔濟使不漏失是故最勝發音菩薩以苦聖智治初地行便能具足諸三昧門陀隣尼門智慧自在復次菩薩得是十千三昧住於欲界當以苦智等智果報分別十法欲恚慢癡狐疑身見邪見內見戒見盜見法見已了不除不盡亦不令生復以苦智等智於有形無形曉了十八結母雖分別結不盡不賜最勝當知初學發意復以集義等義於三昧定住於欲界形無形界

思惟十九怨對之灾瘡痍之患滲漏無首盡滅等義復於三界觀察十九迷誤之法道在三處有二十二亦當思惟三十四無漏聖意具諸功德悉爲成辦觀于無常苦空非身解知無二乃於一地而淨其跡也

留化品第二

爾時最勝菩薩前白佛言云何菩薩於二住地而具足行必果所願無有中錯佛告最勝菩薩於二地中常當思惟念淨其戒識其重恩勤行忍辱謙恭卑下常懷喜悅先笑後言

行大慈悲孝順師長篤信三寶崇習妙慧無
生染著計有常存夫計常者謂生死業解有
道常常道非尊尊出非常乃謂為尊尊既無
尊何言道尊是故最勝菩薩了道亦無尊卑
亦無相像虛空猶常言有形質真道號字不
可覩見其心坦然無所縛著所修德業不離
諸佛無能中道而得斷絕一切諸惡悉盡無
餘其心永定不可動轉志如金剛亦無伴侶
皆知一切諸法之本以除衆垢消滅闇冥其
法晃曜靡不照明心懷質直亦無諛諂性行

平等無彼此意發心以來常懷鮮潔由本淨
故得去諸垢沐浴清淵蕩除衆穢其信堅固
無所遺捨施意廣大無有邊涯心若虛空亦
無窮盡舍受下劣將養使度所以然者其慧
純淑無所罣礙心之所規無所不容大慈無
窮不盡之藏得識辯才常懷羞恥堅固之行
心不可沮覺道之力無所不入辯才過衆無
不渴仰得諸總持亦不忘失初不演說不急
之事於百千定終不狐疑聞善惡法不懷憂
喜不自貢高復不自下進趣安詳不失威儀

十二行本曉知五陰六衰所起復以苦集盡
道分別十二緣起癡行生死靡不貫達觀察
五根具滿思念不復往來生死穢著乃以八
十四智消滅諸漏誓留化身一劫教授如我
今身必當入於無餘泥洹不永滅度亦復留
化在賢明土將無數衆前後圍遶說微妙法
最勝當知賢明去此北方度十三億恒河沙
等諸佛刹土彼有世界名不動轉有佛號照
意如來至真等正覺現在說法不動轉界亦
無聲聞緣覺之名純諸登位大乘行人布施

戒忍精進禪定以神通慧而自娛樂無極之
智纏絡其身隨時分別章句深妙慈悲喜護
等如虛空觀前衆生知其志性爲雨甘露無
極法味其服食者無瞋恨結行三三昧空無
相願拔濟生死立無爲岸降魔塵勞懷害之
毒彼佛神足感動變化周旋往反無量佛土
彼受訓者不知是化謂爲真佛過去恒沙諸
佛世尊皆留化佛接緣衆生使獲無爲是故
如來隱形適化不可思議方將來佛慈氏等
輩亦各有化如來之像開導衆生我雖滅度

彼化佛身亦不滅度是故最勝化亦無化佛
亦無佛解知空寂亦不二三若干之相二地
菩薩常當修習幻化之法觀了慧地誠信之
地見地薄地終成之地緣覺聲聞所居之地
雖療其疾不取其證假使最勝二住菩薩欲
取聲聞緣覺證者甚無有難譬如有人手執
華鬘及明月珠仰擲虛空未墮地頃於其中
間斷結除垢諸漏永滅無生老死憂患之苦
但爲菩薩雖知斷結終不取證所以然者未
察衆生上中下意堅固其心永處究竟興無

蓋雲擊慧雷聲降甘露藥宣真諦寶不斷三
業意念鮮潔如水清徹恒用禁戒而自莊嚴
復以衆德修飾形相奉遵上妙賢聖覺道至
後胎分一生補處學現諸佛所造本業覺意
總持悉無處所先念興意嚴淨道場隨時進
止行安般念在衆強志御無所畏心便勇健
而得自在發心願成甚可愛敬爲諸衆生說
喜樂法其心特尊與衆超異若能執持空無
之相外道奇術無奈之何聲聞緣覺常所宗
敬是時世尊復告最勝二地菩薩達知本無

遠離身行去口殃禍除意亂念消滅三穢抑
制三灾掩塞五蔽推尋十二癡行之本上下
五結散在三界以漸除却無令增多思惟十
一苦惱之瘡捨諸四大耽著之病分別諸物
惡露之法當避家業息諸習俗斷其愛欲瞋
恚貪垢淨刈根本不使流馳常念思惟計無
我想堅立四信住四意止成四意斷稱說五
根布現五力無缺減志曉知七覺諸寶之藏
修行八正賢聖之道八大人念初不廢捨如
是最勝二地菩薩執心調意不若干念解知

悉空而無真實乃得上位受菩薩記不動勞
行亦不離行學於上智雖有尊貴意不貢高
觀知諸法一法不二不計三想亦復不興無
益之想不有限際有無之想了想無處不住
無處惟正覺淨諸佛亦淨善御於心正住不
邪等一善惡審知俱空空不疑礙亦復不見
有爭無爭有觀無觀本無為一亦不見一知
一除一不住於一復不從一而起衆想等習
勝意無習有際不見有際有勝有負不聽心
散越内外法善防禦識定而不轉雖在三有